


Del clarissimo Cavalier P. Baruchello
in segno d'amicizia
e d'utile



IN
OBSCURUM HORATHI LOCUM

—



CAROLUS GUACCI GASPARI SELVAGGIO S.

Nec traditur certum, nec interpretatio est facilis.

Liv. II. 8.

QUINTI Horatii Flacci lyricorum romanorum facile principis nobilissima carmina superioribus diebus diurnâ nobis nocturnâque manu versantibus, illud *reparare*, docte Gaspar, occurrit, cujus de vi splendida cruditorum ingenia et bene longam et satis acutam disputationem instituerunt. Cum vero nulla adhuc extet illius verbi explicatio, quae doctis emunctaeque naris hominibus omnino probetur, et unicuique liceat, ad veritatem propius assequendam, in medium, quid de hac re sentiat, verecunde proferre, nostram quoque opinionem exaudi, acri tuo subtilique judicio expendendam. Doctorum enim desideriis si minus interpretatione nostrâ satisfacere videbimur, nonnullum certe sedulitatis argumentum praebuisse contenti, ad meliora nos intento animo cursuque enitemur.

Sic ergo se locus habet de quo disputatur.

Nunc est bibendum, nunc pede libero

Pulsanda tellus, nunc Saliaribus

Ornare pulvinar Deorum

Tempus erat dapibus, sodales;

Antehac nefas depromere Caecubum
 Cellis avitis, dum Capitolio
 Regina dementes ruinas
 Funus et Imperio parabat

Contaminato cum grege turpium
 Morbo virorum, quidlibet impotens
 Sperare, fortunâque dulci
 Ebria: sed minuit furorem

Vix una sospes navis ab ignibus,
 Mentemque lymphatam Marootico
 Redegit in vanos timores
 Caesar ab Italiâ volentem

Remis adsurgens, accipiter velut
 Molles columbas, aut leporem citus
 Venator, in campos nivalis
 Haemoniae, daret ut catenis

Fatulo monstrum, quae genorosius
 Periro quacrens, nec muliebriter
 Expavit ensem, nec latentes
 Classe citâ reparavit oras.

Ausa et jacentem visere regiam
 Vultu sereno etc. (1).

Quâ quidem in re cum omnis disceptatio in *reparandi* verbi
 significatione versaretur, in eam nonnulli sententiam disputave-
 runt, ut nonnisi *corroborare ac munire portus, arces, moenia*
quae jam lapsa erant, hoc est, *celeriter classe haec ipsa loca obeun-*

(1) *Horat. I. Od. XXXVII. 25* (*Parisiis 1829, edente Le-
 maire*)

do *reficere* et *firmare* valeret (1). Quidam vero haec plane aspernantes ita accipiendum esse statuerunt, ut *mutare alias nempe terras magisque abditas, pro Aegypto, quas infirma erat et jam tota patebat hosti significaret; horatianumque illud laudantes:*

Vina Syrá reparata merce (2)

suae sententiae optime convenire affirmarunt (3). Alii denique, qui mihi ad veritatem propius videntur accedere, *repetendi, cundi, studendique assequi* senum habere maluerunt (4).

Sed has atque hujuscemodi alias horatiani verbi enodationes reliqui fere sapientes respuendas satius putaverunt. Et ro quidem verà quis est quin plane perspiciat, *Cleopatrá latentes citá classe oras muniente*, vim omnem sententiae aestumque montis extingui? Alteri vero suismet ipsi conjecturis illaqueati, *reparare* pro *emere*, seu *sibi comparare* explicantes, quod mercaturae est proprium, id ad eas quidem res transferre non dubitarunt, quae ad mercaturam non erant revocandae. Cum enim apud mercatores *reparare*, ut Furlanetti verbis utar (5), sit rursus *emere*, ac merce *divenditá* aliam *comparare*, permutationemque ex propria vocis significatione designet, quid est, quaeso, causae, cur inficias ire nolumus, non esse eam vocem hoc sensu ab Horatio

(1) V. Furlanetti in v. *Reparare* § 7. (*Lexicon totius latinitatis*; Putavii, Typis Seminarii 1821 - 31 et Append. 1841) Sic Gargallus. Haec tamen significatio III. Od. III. 60 optime quadrat.

(2) I. Od. XXXI, 12; ut in II. Satyr. V. 2.

(3) V. Furlan. l. c. Hanc Despretius insolentem significationem *reparare* attribuit. Hor. in usum Delphini, Paris. 1691 in 4.^o

(4) V. Interpp. l. c. (edente Lemaire) — Obscurus hic Horatii locus, mirum quantum ad Harduini omnia latinorum scriptorum opera allatrare soliti rabiem effugiendam elaboravit. (V. Exeurs. in Hor. — Hard. Opp. omnia Amst. 1753 in fol.

(5) V. in v. *Reparare* § 2. Sic le Père Sanadon l. c. (*Les oeuvres d'Horace par M. Dacier et le P. Sanadon. Amsterdam, chez F. Werstein et G. Smith. 1735*).

usurpatam? Qui autem *reparavit* pro *assequi studuit* positum esse dixerunt, li sententiae vim, cum melius facere non possent, non *reparandi* verbum explicantes, *ex omni latinitate*, ut cum doctissimo Horatii interprete loquar, *neque unicum hujus significationis exemplum potuerunt proferre* (1).

Haec igitur in contrarias sententias hinc inde jactata recentiores interpretum susque deque ferentes, sollicitandam lectionem instituerunt. Ac primum Bentlejus, vir eruditione atque ingenii subtilitate clarissimus, acuto magis quam vere, ut ad unum omnes sentiunt, *penetrare* substituebat (2). Cum vero ne semel quidem in cunctis Horatii operibus haec vox inveniat (id quod certe non levis est argumenti) nec vatis mentem ad amussim referat, praestantissimi ingenii conjectura rejicienda nobis videtur. In hac autem docti viri emendatione, quod tu quoque sentis, cum nihil quod ad rem potius esset proferre posset in medium, acquiescendum erat Wakefieldio. Sed hominem *repedare* conjicientem certe fugit, hanc vocem retro suos *ex aliquo loco pedes ferre*, ut alio dirigantur, valere (3). Sic eo verbo Lucillum, si Nonio fides, sic Ammianum, sic Juvenium, illum nimis antiqua oratione obsoletum, hos vero sequioris aevi scriptores, usos esse invenimus. Si quis autem contra Furlanetti, elegantissimi judicii multaeque eruditionis viri, observationem, *gradum*, in hoc Pacuvii apud Festum exemplo (4)

Paulo repeda, gnato, a vestibulo gradum,

non esse communem accusandi casum spatii, sed a verbo ipso pendere defendat, huic *repedare gradum* aequae dici posse fatendum est, ac *latentes oras repedare*, hoc est, *se ad latentia oras confugere*. Sit autem illius secundum grammaticorum regulas lectio,

(1) *Richardi Bentleji emendationes in Hor. Amstelodami 1728.*

(2) *Id. l. c. — Dacierius (edit. cit.) ire interpretatur et reparare contra Bentlejum e sua sede dimovendum non putat.*

(3) *V in Hor. a Lemaire edito, l. c.*

(4) *Furlan. V. Repedare § 1.*

qui possumus aequo animo Horatium uno et incerto Pacuvii loco emendare? Lamberti denique Bos *ire paravit* emendationem, ne poësi bellum videamur indicere, silentio praetereundam putamus (1).

Nobis autem, cum Codices omnes Horatianos pervolutandi multis de causis facultate careamus, rem saepissime reputantibus, illud sibi Horatium in allatis carminibus dicere proposuisse videri solet: *Cleopatram generosius moriendi genus quaerentem, nec sibi inferre mortem mulierum more timuisse* (tentantem enim impederunt) *nec ante curram Caesaris per triumphum ductam romanis omnibus ludibrio haberi volentem, potero festinavisse* (reparasse) *loca, in quibus se latere posse speraret.* Cum igitur nunquam *re reparare* huic significationi respondeat, negotiumque omnibus interpretibus facessat, altera, praesertim ex ipso Horatio eligenda vox est, quae hoc aptius fungi possit officio. Conjectura enim, tum omnes habet in se numeros veritatis, cum ejusdem auctoris, cujus emendationi studemus, auctoritate probatur.

Horatius igitur primo epistolarum libro dixit (2) :

Fidis offendar medicis, irascar amicis,
Cur me funesto properent arcere veterno.

Et alibi (3)

Dic et argutae properet Neaerae
Myrrheum nodo cohibere crinem etc.

Sic Virg. (4)

Quin etiam hiberno moliris sidere classem,
Et mediis properas aquilonibus ire per altum.

(1) *Animadv. p. 36.*

(2) *1. Ep. VIII. 9.*

(3) *III. Od. XIV. 21.*

(4) *IV. Aeneid. 309.*

Et Cic. (1).

Si in patriam, si ad deos penates redire *properavi*;

subsequente semper infinitivo.

Sed infinitivi etiam non expressi frequentissima exempla apud latinae linguae scriptores extant. Sic in eo libro qui est de spectaculis, Martialis, sive ipse, sive alius ejusdem libelli auctor sit, trito illo de Leandro epigrammate scriptum reliquit :

Quum peteret dulces audax Leander amores,
Et fessum tumidis jam premeretur aquis,
Sic miser instantes affatus dicitur undas:
Parcite dum *propero*, mergite dum redeo (2).

hoc est *ire festino* absoluto, ut Furianetto placet, seu potius *Hero petere*, ut Ovidii verbis utar (3), supplendum videatur.

Cic. Quae causa cur Romam *properaret* ? (4) supple *ire*.

Et alibi (5)

Ventis, remis, omni festinatione in patriam *properavi* (*redire*)

Virg. (6)

Ac veluti lentis Cyclopum fulmina massis
Cum *properent*, alii ec. (*fabricari*).

Idem (7).

Quid faciat ? quâ vi juvenem, quibus audeat armis

(1) *Prov. Cons.* 14.

(2) *Martial. de Spectacul.* 25.

(3) *Ovid. II. Amor.* XVI, 31.

(4) *Pro Milon.* 19.

(5) *XII. Fam.* 25, circa med.

(6) *Virg. IV. Georg.* 170.

(7) *IX. Æneid.* 399.

Eripere ? an sese medius moriturus in hostes
Inferet, et pulcrum *properet* per vulnera mortem ?

(*obire* , *adire* , *oppetere*)

Horat. (1).

Quum perjura patris fides
Consortem socium fallat et hospitem ,
Indignoque pecuniam
Haeredi *properet*. (*comparare*).

Id. in Regulo (2)

Donec labantes consilio Patres
Firmaret auctor numquam alias dato,
Interque moerentes amicos
Egregius *properaret* exul. (*redire Carthaginem*).

Et alibi (3)

Fervidus tecum Puer et solutis
Gratiae zonis, *properentque* Nymphae,
Et parum comis sine te Juventas
Mercuriusque. (*adesse*).

(1) *III. Od. XXI. 59. At in edit. Paris. PROPERARE PECUNIAM* eleganter dicuntur Qui diurnâ nocturnâque operâ faciunt tentantque omnia , quibus pecuniam coacervent. Hinc avarus Juvenali XIV. 117 *PROPERANS* dicitur — *Sed hoc , meo quidem judicio , non recte : suppl. comparare aut quid simile et rem facile expedit. Sic Cic. I. Divin. 49 sub fin. Ut ostenderet , etiam philosophum , si ei commodum esset , pecuniam facere posse h. e. farroba , accumulare — V. interpp.*

(2) *III. Od. V. 45.*

(3) *I. Od. XXX. 5.*

Idem (1)

... et narrat Vulteium nomine Menam
 Praeconem tenui censu, sine crimine notum,
 Et *properare* loco et cessare etc. (*omnia suo tempore agere*).

Sic (2)

Hae intor epulas ut juvat pastas oves
 Videre *properantes* domum. (*redire*).

Cum igitur ex his quae modo attigimus, *properare* et grammatico et λογισμός ad istum Horatii locum ex omni parte quadrare videatur, frequentissimique sit usus, *reparare* autem vix quater aut quinque alio sensu apud illum inveniatur, ita eos versus facili librariorum lapsu corruptos restitui posse conicimus:

. quae generosius
 Perire quaerens, nec muliebritor
 Expavit ense, nec latentes
 Classe citâ propegravit oras.

Nos autem (3) si quis praepositione opus esse contendat, ut

(1) *I. Epist. VII. 55.*(2) *Epod. II. 61.*

(3) *Hoc ipso verbo, ut Ciceronis, Virgilii, Ovidii et ceterorum scriptorum innumera exempla taceamus, sexcenties Horatius usus est, ut*

I. Od. VIII. 2
IV. Od. XII. 24
Epod. XII. 8
Epod. XII. 22
I. Ep. III. 28
II. Ep. I. 58
I. Satyr. V. 74
I. Satyr. IX. 40

II. Od. VII. 24 deproperare

Reparare autem

I. Od. VII. 13
III. Od. III. 60
IV. Od. XXXI. 12
II. Satyr. III. 2.